

## 中国西南民族史 配布資料

### 9 南詔国後期の対外遠征

#### 9.1 対外遠征関係年表（林 1992 による）

	劍南西川方面	安南方面	その他
829(太和 3)	成都(11月) 王嵯巔		
831( " 5)	・州(10月)		
832( " 6)			劫掠驃国
835( " 9)			破彌臣・彌諾国
846(会昌 6)		安南(9月)	
858(大中 12)		安南(1月, 6月)	
859(大中 13)		播州(年末)	
860(咸通 1)		安南(12月) 段酋遷(攻陥交趾)	
861( " 2)	・州(7月)	唐軍, 交趾を奪還(6月)	
		邕州(7月)	
862( " 3)		安南(2月) 楊思縉(善闡節度使) 楊忠義(柘東判官)	
		安南(11月)	
863( " 4)	・州(12月~翌年1月)	(1月 交趾城陥落) (3月 侵逼邕州)	
864( " 5)	両林鬼主邀南詔蛮敗之(7月)	段酋遷(安南節度使)	
865( " 6)	・州(5月)	楊緝思(善闡節度使) 范昵些(安南都統) 趙諾眉(扶邪都統)	
866( " 7)	清平官董成等詣成都	高駘, 交趾城を奪還(11月)	
869( " 10)	遣使者楊酋慶		
	成都(10月) 南詔王酋龍 杜元忠(坦綽)		
870( " 11)	成都城下に至る(1~2月)		
873( " 14)	西川・黔南		
874(乾符 1)	成都(11月) 坦綽		
875( " 2)	高駘, 西川節度使となる(1月)		
876( " 3)	(遣使者詣高駘求和, 而盗辺不息。)		
877( " 4)		遣使段璠宝(陝西)(閏2月)	
878( " 5)	遣使趙宗政(清平官, 酋望)(4月)		

#### 9.2 『資治通鑑』卷二百四十九 大中 12 年 (858) 6 月

初, 安南都護李涿爲政貪暴, 強市蠻中馬牛, 一頭止與鹽一斗。又殺蠻酋杜存誠。羣蠻怨怒, 導南詔侵盜邊境。考異曰: 舊紀: 「琢侵剝獠民, 羣獠引林邑蠻攻安南府。」按蠻書, 寇安南者南詔, 非林邑也。

#### 9.3 『蛮書』卷四 名類第四

崇魔蠻, 去安南管内林西原十二日程。溪洞而居, 俗養牛馬。比年與漢博易。自大中八年經略使苛暴, 令人將鹽往林西原博牛馬, 每一頭匹只許鹽一斗。因此隔絕, 不將牛馬來。

桃花人, 本屬安南林西原七綰洞主大首領李由獨管轄。亦爲境上戍卒, 每年亦納賦稅。自大中八年被峯州知州官申文狀與李涿, 請罷防冬將健六千人, 不要味、眞、登州界上防邊。其由獨兄弟力不禁, 被蠻柘東節度使與書信, 將外甥嫁與李由獨小男, 補柘東押衙。自此之後, 七綰洞悉爲蠻收管。臣於咸通三年三月八日入賊重圍, 因見柘東蠻判官楊忠義背後領八箇蠻持弓槍, 臣因問賊帥朱道古根源。切以桃花人今亦呼桃花蠻也。本安南林西原七綰洞左右側居。人披羊皮或披氈。前梳髻。雖拘於蠻, 心皆向唐化。咸通三年三月二十一日, 僅五六千人, 安南城西角下營。蠻賊楊思縉委羅伏州扶邪縣令麻光高部領之。

#### 9.4 『資治通鑑』卷二百五十 咸通元年（860）12月

十二月，戊申，安南土蠻引南詔兵合三萬餘人乘虛攻交趾，陷之。考異曰：新南詔傳：「大中時，李琢為安南經略使，苛墨自私，以斗鹽易一牛。夷人不堪，結南詔將段魯遷陷安南都護府，號白衣沒命軍。懿宗絕其朝貢，乃陷播州。安南都護李鄠屯武州，咸通元年，為蠻所攻，棄州走。天子斥鄠，以王寬代之。」按宣宗時，南詔未嘗陷安南。據新傳，則似大中時已陷安南，咸通元年又陷武州也。且李鄠安南失守，然後奔武州，非在武州而棄之。新傳誤也，今從實錄。都護李鄠與監軍奔武州。

#### 9.5 『資治通鑑』卷二百五十 咸通3年（862）11月

南詔帥羣蠻五萬寇安南，都護蔡襲告急，敕發荆南、湖南兩道兵二千，桂管義征子弟三千，詣邕州受鄭愚節度。

嶺南東道節度使韋宙奏：「蠻寇必向邕州，若不先保護，遽欲遠征，恐蠻於後乘虛扼絕餉道。」乃敕蔡襲屯海門，考異曰，實錄：「詔襲且住海門」。是令棄交趾，退屯海門也。按襲死時猶在交趾。蓋詔書至時，襲已被圍，不得通也。鄭愚分兵備禦。十二月，襲又求益兵，敕山南東道發弩手千人赴之。時南詔已圍交趾，襲嬰城固守，救兵不得至。

#### 9.6 『資治通鑑』卷二百五十 咸通4年（863）正月

（春，正月，庚午）是日，南詔陷交趾，蔡襲左右皆盡，徒步力戰，身集十矢，欲趣監軍船，船已離岸，遂溺海死；幕僚樊綽攜其印浮渡江。荆南、江西、鄂岳、襄州將士四百餘人，走至城東水際，荆南虞候元惟德等謂衆曰：「吾輩無船，入水則死，不若還向城與蠻鬪，人以一身易二蠻，亦為有利。」遂還向城，入東羅門；蠻不為備，惟德等縱兵殺蠻二千餘人，逮夜，蠻將楊思縉始自子城出救之，惟德等皆死。南詔兩陷交趾，所殺虜且十五萬人。留兵二萬，使思縉據交趾城，谿洞夷獠無遠近皆降之。詔諸道兵赴安南者悉召還，分保嶺南西道。

#### 9.7 『資治通鑑』卷二百五十 咸通7年（866）6月

南詔酋龍遣善闡節度使楊緝〔思〕助安南節度使段魯遷守交趾，以范呢些為安南都統，趙諾眉為扶邪都統。監陳敕使韋仲宰將七千人至峯州，高駢得以益其軍，進擊南詔，屢破之。捷奏至海門，李維周皆匿之，數月無聲問。上怪之，以問維周，維周奏駢駐軍峯州，玩寇不進。上怒，以右武衛將軍王晏權代駢鎮安南，召駢詣闕，欲重貶之。晏權，智興之從子也。是月，駢大破南詔蠻於交趾，殺獲甚衆，遂圍交趾城。

#### 9.8 『資治通鑑』卷二百五十 咸通7年（866）3月

三月，戊寅，以河東節度使劉潼為西川節度使。初，南詔圍巒州，東蠻浪稽部竭力助之，遂屠其城，卑籠部怨南詔殺其父兄，導忠武成兵襲浪稽，滅之。南詔由是怨唐。

南詔清平官董成等詣成都，節度使李福盛儀衛以見之。故事，南詔使見節度使，拜伏於庭，成等曰：「驃信已應天順人，我見節度使當抗禮。」傳言往返，自旦至日中不決；將士皆憤怒，福乃命摔而毆之，因械繫於獄。劉潼至鎮，釋之，奏遣還國。詔召成等至京師，見於別殿，厚賜，勞而遣之。

#### 9.9 『資治通鑑』卷二百五十一 咸通10年（869）10月

初，南詔遣使者楊曾慶來謝釋董成之囚，定邊節度使李師望欲激怒南詔以求功，遂殺曾慶。西川大將恨師望分裂巡屬，陰遣人致意南詔，使入寇。師望貪殘，聚私貨以百萬計，戍卒怨怒，欲生食之，師望以計免。朝廷徵還，以太府少卿竇滂代之。滂貪殘又甚於師望，故蠻寇未至，而定邊固已困矣。

是月，南詔驃信酋龍傾國入寇，引數萬衆擊董春烏部，破之。十一月，蠻進寇巒州，定邊都頭安再營守清溪關，蠻攻之，再營退屯大渡河北，與之隔水相射九日八夜。蠻密分軍開道，逾雪坡，奄至沐源川，滂遣亮海將黃卓帥五百人拒之，舉軍覆沒。

### 9.10 『資治通鑑』卷二百五十二 咸通 11 年 (870) 正月

西川之民間蠻寇將至，爭走入成都。時成都但有子城，亦無壕，人所占地，不過一席許，雨則戴箕盎以自庇；又乏水，取摩訶池泥汁，澄而飲之。

……

(二月)乙未，蠻步騎數萬復至，會右武衛上將軍宋威以忠武二千人至，即與諸軍會戰，蠻軍大敗，死者五千餘人，退保星宿山。威進軍沱江驛，距成都三十里。蠻遣其臣楊定保詣支詳請和，詳曰：「宜先解圍退軍。」定保還，蠻圍城如故。城中不知援軍之至，但見其數來請和，知援軍必勝矣。戊戌，蠻復請和，使者十返，城中亦依違答之。蠻以援軍在近，攻城尤急，驃信以下親立矢石之間。庚子，官軍至城下與蠻戰，奪其升遷橋，是夕，蠻自燒攻具遁去，比明，官軍乃覺之。

### 9.11 『資治通鑑』卷二百五十二 乾符 2 年 (875) 正月

春正月丙戌，以高駢為西川節度使。……

高駢至成都，明日，發步騎五千追南詔，至大渡河，殺獲甚衆，擒其酋長數十人，至成都，斬之。脩復邛崃關、大渡河諸城柵，又築城於戎州馬湖鎮，號平夷軍，又築城於淋源川，皆蠻入蜀之要路也，各置兵數千戍之。自是蠻不復入寇。……

先是，南詔督爽屢牒中書，辭語怨望，中書不答。盧攜奏稱「如此，則蠻益驕，謂唐無以答，宜數其十代受恩以責之。然自中書發牒，則嫌於體敵，請賜高駢及嶺南西道節度使辛謙詔，使錄詔白，牒與之。」從之。

### 9.12 『資治通鑑』卷二百五十三 乾符 4 年 (877) 2 月

南詔酋龍嗣立以來，為邊患殆二十年，中國為之虛耗，而其國中亦疲弊。酋龍卒，諡曰景莊皇帝。子法立，改元貞明承智大同，國號鶴拓，亦號大封人。

法好畋獵酣飲，委國事於大臣。閏月，嶺南西道節度使辛謙奏南詔遣陁西段瑳寶等來請和，且曰「諸道兵戍邕州歲久，餽餉之費，疲弊中國，請許其和，使羸瘵息肩。」詔許之。謙遣大將杜弘等齎書幣，送瑳寶還南詔，但留荆南、宣歙數軍戍邕州，自餘諸道兵什減其七。

### 9.13 『資治通鑑』卷二百五十三 乾符 5 年 (878) 4 月

南詔遣其酋望趙宗政來請和親，無表，但令督爽牒中書，請為弟而不稱臣。

### 9.14 『資治通鑑』卷二百五十三 乾符 5 年 (878) 12 月

南詔使者趙宗政還其國。中書不答督爽牒，但作西川節度使崔安潛書意，使安潛答之。

### 9.15 『資治通鑑』卷二百五十三 乾符 6 年 (879) 2 月

二月丙寅，雲虔至善闡城，驃信見大使抗禮，受副使已下拜。己巳，驃信使慈雙羽、楊宗就館謂雲虔曰「貴府牒欲使驃信稱臣，奉表貢方物。驃信已遣人自西川入唐，與唐約為兄弟，不則舅甥。夫兄弟舅甥，書幣而已，何表貢之有。」雲虔曰「驃信既欲為弟，為甥，驃信景莊之子，景莊豈無兄弟，於驃信為諸父，驃信為君，則諸父皆稱臣，況弟與甥乎。且驃信之先，由大唐之命，得合六詔為一，恩德深厚，中間小忿，罪在邊鄙。今驃信欲脩舊好，豈可違祖宗之故事乎。順祖考，孝也。事大國，義也。息戰爭，仁也。審名分，禮也。四者，皆令德也。可不勉乎。」驃信待雲虔甚厚，雲虔留善闡十七日而還。驃信以木夾二授雲虔，其一上中書門下，其一牒嶺南西道，然猶未肯奉表稱貢。

### 9.16 『資治通鑑』卷二百五十三 廣明元年 (880) 6 月

趙宗政之還南詔也，西川節度使崔安潛表以崔澹之說為是，且曰「南詔小蠻，本雲南一郡之地。今遣使與和，彼謂中國為怯，復求尚主，何以拒之。」上命宰相相議之。盧攜、豆盧瑑上言「大中之

末，府庫充實。自咸通以來，蠻兩陷安南、邕管，一入黔中，四犯西川，徵兵運糧，天下疲弊，踰十五年，租賦大半不入京師，三使、內庫由茲空竭，戰士死於瘴癘，百姓因爲盜賊，致中原榛杞，皆蠻故也。前歲冬，蠻不爲寇，由趙宗政未歸。去歲冬，蠻不爲寇，由徐雲虔復命，蠻尙有覬望。今安南子城爲叛卒所據，節度使攻之未下，自餘戍卒，多已自歸，邕管客軍，又減其半。冬期且至，儻蠻寇侵軼，何以枝梧。不若且遣使臣報復，縱未得其稱臣奉貢，且不使之懷怨益深，堅決犯邊，則可矣。」乃作詔賜陳敬瑄，許其和親，不稱臣，令敬瑄錄詔白，并移書與之，仍增賜金帛。以嗣曹王龜年爲宗正少卿充使，以徐雲虔爲副使，別遣內使，共齎詣南詔。

#### 9.17 『資治通鑑』卷二百五十五 中和 2 年 (882) 7 月

南詔上書請早降公主，詔報以方議禮儀。

#### 9.18 『資治通鑑』卷二百五十五 中和 3 年 (883) 7 月

南詔遣布燮楊奇肱來迎公主。詔陳敬瑄與書，辭以「鑿輿巡幸，儀物未備，俟還京邑，然後出降。」奇肱不從，直前至成都。

#### 9.19 『資治通鑑』卷二百五十五 中和 3 年 (883) 10 月

以宗女爲安化長公主，妻南詔。

#### 9.20 『新五代史』卷七十四 四夷附錄第三

南詔蠻，見於唐。其國在漢故永昌郡之東、姚州之西。僖宗幸蜀，募能使南詔者，得宗室子李龜年及徐虎、虎姪藹，乃以龜年爲使，虎爲副，藹爲判官，使南詔。南詔所居曰苴咩城，龜年等不至苴咩，至善闡，得其要約與唐爲甥舅。僖宗許以安化公主妻之，南詔大喜，遣人隨龜年求公主，已而，黃巢敗，收復長安，僖宗東還乃止。

#### 9.21 『資治通鑑』卷二百六十一 乾寧 4 年 (897)【年末】

是歲，南詔驃信舜化有上皇帝書函及督爽牒中書木夾，年號中興。朝廷欲以詔書報之。王建上言「南詔小夷，不足辱詔書。臣在西南，彼必不敢犯塞。」從之。

黎、雅間有淺蠻曰劉王、郝王、楊王，各有部落，西川歲賜繒帛三千匹，使覘南詔，亦受南詔賂詞成都虛實。每節度使到官，三王帥酋長詣府，節度使自謂威德所致，表于朝廷。而三王陰與大將相表裏，節度使或失大將心，則教諸蠻紛擾。先是節度使多文臣，不欲生事，故大將常藉此以邀姑息，而南詔亦憑之屢爲邊患。及王建鎮西川，絕其舊賜，斬都押牙山行章以懲之。邛峽之南，不置鄣候，不戍一卒，蠻亦不敢侵盜。其後遣王宗播擊南詔，三王漏泄軍事，召而斬之。

#### 和蕃公主

わばんこうしゅ Hlv f'n g'ng zhø

中国史上，周辺の外族を懐柔するため降嫁させられた王族女子。公主はプリンセスの意。前漢代に烏孫王に遣わされた細君以下，北周から突厥(とつくつ)可汗に送られた千金公主(のち隋の大義公主)，唐初吐蕃のソンツェン・ガンポに嫁した文成公主等が名高い。中国側の武力的劣勢をカバーするため遊牧諸族の意向を受け入れ降嫁したもので，王族といっても疎遠なものや養女の場合もあった。しかしこれが漢文化浸透の契機となった点も看過しえない。(池田 温)

(平凡社『世界大百科事典』)(c) 1998 Hitachi Digital Heibonsha, All rights reserved.